

廣東考古輯要卷三十六

名宦二

南漢

趙光裔字煥業京兆奉天人僑居洛陽力學修行與兄光逢弟光允皆第進士乾甯中兄弟對掌內外誥命時論榮之後俱仕梁光裔自以唐甲族恥事僞國常快快思歸及高祖稱帝遣使間道至洛陽召其家屬光裔驚喜由節度副使進兵部尚書同平章事爲相二十餘年府庫完實四鄰輯睦邊境無恐當時號稱賢相又兄光逢相梁弟光允相後唐子損相繼爲相五季之世一家四相爲當時歆羨

王定保南昌人舉唐光化中進士南遊湖湘遭亂不得還烈宗招禮之辟爲幕屬高祖欲僭號憚定保不從先遣定保使荆

廣東考古輯要

卷三十六

名宦

一

南及卽位而定保回知其心未善也預使倪曙迎勞之大有初官甯遠節度使後代趙損同平章事善文辭高祖嘗作南宮極土木之盛定保獻南宮七竒賦以美之一時稱爲絕倫周傑善星厯唐司農少卿常著極衍二十四篇以究天地之數時天下方亂傑以天文占云惟嶺南可以避地乃遣弟鼎求爲封州錄事參軍天復中攜家來南烈宗習其名招至幕府待之上賓數問天道災變高祖卽帝位令司天監事命占國祚傑以周易筮之遇比之復斷曰卦有二土土數生五成於十二五相比以歲言之當五百五十高祖大喜賜賚有加逮後主降宋適得五十五年蓋傑舉成數以避害謬稱十爲百也後遷太常少卿卒年九十餘

謝傑爲高州刺史境多虎夜入郭中爲暴人不安居傑一日沐

浴詣城隍神舉酒視曰愚民何辜而虎暴之此刺史無德化願虎但食刺史無傷民因獨宿殿庭是夜漏三下廟東南隅忽有物吼聲如雷良久乃止遲明視之數虎悉斃

曾芳南漢時爲程鄉令因民苦瘡以藥濟之求者接踵乃囊藥置井中令民汲飲而疾愈後人名其井爲曾井立祠井旁宋仁宗降詔封芳爲忠孝公又賜飛白書曾氏忠孝泉五大字芳他政無所考然歷六七百年之後而名傳不朽雖兒童走卒過其祠井咸加禮拜其感人如此

謝貫積功爲將軍素有膽勇喜慶戰取名一時乾和中與潘崇徹攻陷郴州由是嶺表土地益廣

吳珣爲將善出奇計歷官至巨象指揮使與吳懷恩攻賀州楚人來救珣鑿大穿於城下覆箔於上以土傅之楚將徐知新

等逼城珣遣人自穴中發機楚人陷穿死者無算卒克賀州萬景忻少以驍勇積功至指揮使殤帝初立循州賊張遇賢作亂帝命越王宏昌循王宏梟征之師敗二王爲所困景忻力救得免後復敗遇賢於循州循州平景忻功爲第一

蘇章以牙校事高祖積功至左右街使驍勇善戰而行軍多合古法遂爲一時名將子五人俱爲中郎將豪俠任氣當世號五郎將大有初楚人舉水軍侵封州章將神弩三千戰艦百艘往救既至賀江沉鐵絙於水中爲巨輪築堤兩岸以隱之因輕舟迎戰陽敗而奔楚人以爲怯也逐之章舉巨輪挽絙鎖楚舟舟不得進退乃用强弩夾江射之楚人大敗解圍去進章封州團練使同時梁克貞有勇略而亞於章交州之亂高祖命克貞征之南蠻大恐讐服兵威實克貞力也

孫德威勇敢有氣力數從高祖征伐戰鬪常冠軍

按五代史南漢世家作孫

成德

宋

潘美字仲詢大名人少儻隸府中典謁常語其里人王密曰漢代將終君臣肆虐四海有改卜之兆大丈夫不以此時立功名取富貴碌碌與萬物共盡可羞也先是太祖遇美素厚及受禪命美先往見執政諭旨中外時陝帥袁彥兇悍信任羣小大祖慮其爲變遣美監其軍以圖之美單騎往諭以天命旣歸宜修臣職彥遂人朝上喜曰潘美不殺袁彥能令來覲成我志矣嶺南劉鋹數寇桂陽太祖以美爲行營諸軍都部署朗州團練使擊破之鋹窮蹙遣其臣王珪求通好又遣蕭淮奉表乞降美因諭以上意以爲彼能戰則戰不能戰則

廣東考古輯要

卷三十六

名宦

三

守不能守則降不能降則死不能死則亡非此五者他不得受卽部送淮等赴闕銀復遣其弟保興率眾拒戰兵十五萬依山谷編竹木爲柵堅壁以待美以火攻之會天大風萬炬俱發銀眾大敗遂擒銀送京師露布以聞卽日命美知廣州兼市舶使嶺南道轉運使嶺表遂安

尹崇珂泰州天水人後徙居大名初事周世宗以謹厚稱太祖卽位出爲淄州刺史有善政民詣闕請刻石頌德太祖命侍御史李穆撰文賜之後與潘美克廣州擒劉鋹卽日詔與潘美同知廣州兼市舶使錄功遷保信軍節度

王明字如晦大名成安人晉天福中舉進士不第周廣順初劉崇寇晉州命陳州防禦使元福將兵援之奏署判官事多咨於明後元福恃功驕恣明以直道規之因見疏宋初召公卿

近臣各舉清白有吏幹者一人給事中馬士元以明塞詔召爲左拾遺會嶺南用兵明與潘美等破劉鋹衆十餘萬焚其柵鋹以城降廣州平太祖嘉其功累遷至嶺南轉運副使邊珣字待價華州鄭人晉天福中舉進士爲校書郎太祖卽位充廣南轉運使初至桂守張頌卒藁葬城外舊例不許以族行僕人乃分匿其財珣追取之送其柩歸

向敏中字常之開封人父瑀惟敏中一子躬自教督嘗謂其母曰大吾門者此兒也及冠能刻厲自立成進士權判大理寺時妖尼道安搆獄事連敏中妻父判官張去華以故得請不預決獄旣而以親累落職出知廣州兼掌市舶入辭面叙其事太宗感動前守多涉譏議敏中預市藥物以往至荆南無所預以清廉聞性端厚多智曉政體累官至昭文館大學士

居大任三十年時以重德目之卒年七十二帝親臨哭之慟凌策字子奇宣州涇人雍熙中舉進士累官至廣州有幹名先是嶺南輸香藥以郵置卒萬人煩役爲患詔策規制之策請陸運至安南汎舟而北止役卒八百大省轉送之費人以爲便

黃震字伯起建州蒲城人進士及第擢江淮發運使旣至發李溥姦贓溥坐廢震亦罷官尋知饒州徙廣東轉運使廣南歲進異花數十本至都多枯死者道路苦其煩擾震奏罷之胡則字子正婺州永康人以進士起家補許田縣尉入奏太宗問以邊策對稱旨顧左右曰州縣豈乏人命記姓名中書累遷員外郎真宗時爲廣南西路轉運使有番舶遭風告乏食則命貸錢三百萬吏白夷人狡詐已而償所貸如期又按宜

州重辟十九人爲辨活者九人丁謂貶崖州時賓客隨散則閒遣人至海上饋問其喜交接尙風義如此

郎簡字叔廉抗州臨安人幼孤貧借書錄之多至成誦進士及第爲福清令縣有石塘陂久湮塞募民浚築溉廢田百餘頃邑人爲立生祠徙籐州興學養士一變其俗藤至是始有舉進士者累遷廣南東路轉運使以工部侍郎致仕

張昱之字景山進士及第補樂清尉蔡齊薦其才可用累遷至廣南東路轉運使所至有聲後以光祿卿致仕退居築家廟率子弟歲時奉祀

王絲字敦素會稽人祥符中進士累官至廣南東路按察使時交趾有變而廣州當交趾之衝無城守絲議陶磚爲城造大艦習水戰以禦之

杜杞字偉長以蔭知建陽縣累官至廣南西路轉運按察安撫使時區希範誘白厓山蠻蒙趕反嶺外騷然杞勒兵攻破白厓黃阮九居山砦誘降希範及趕誅之海南遂平

王罕字師言華陽人以蔭知宜興縣累遷至廣東轉運使儂智高入寇罕行部在潮廣州守仲簡自圍中遺書邀罕罕報曰獨歸無益當求所以相濟者遂還惠州州之惡少相率爲盜惠人要罕出城遮道求救護者千數計罕召父老問以策曰吾屬皆有田客欲給以兵使相保聚罕曰有田客者如是得矣無者奈何乃呼耆長發里民補壯丁而集募有方略者許以官秩於是染庫帛爲旗斷苦竹數千鈹其末使操爲兵向之惡少皆隸行伍建旗伐鼓順流而下將至廣智高見已嚴備不敢犯遂解去

元絳字厚之錢塘人生而敏悟五歲能作詩九歲謁荆南太守  
試以三題上諸朝貧不能行長舉進士以廷試誤賦韻得學  
究出身再舉登第調江寧推官范仲淹表其才知永新縣擢  
江西轉運判官儂智高叛以絳爲廣東轉運使瀕江建水砦  
數十又繕治十五處樓堞器械皆備軍食有餘以功累官至  
開封府拜三司使參知政事

龐籍字醇之單州武城人及進士第累官至廣南東路轉運使  
昭文館大學士持法深峭士卒畏服治民數有惠愛儂智高  
反師數不利朝廷遣狄青爲宣撫使諫官韓絳謂武人不宜  
專任帝以問籍籍曰青起行伍若以文臣副之則號令不專  
詔嶺南諸軍皆受青節度旣而捷書至帝喜曰青破賊卿之  
力也

榮諲字仲思涿州任城人舉進士官廣東轉運使廣有板步古  
河路絕險林箐瘴毒諲開眞陽峽至泚口古徑作棧道七十  
間抵清遠趨廣川遂爲夷塗

蔡抗字子直宋城人進士累官至廣東轉運使番禺歲運鹽英  
韶道遠多侵竊雜惡抗命十舸爲一運擇攝官主之歲終會  
其殿最增五十萬緡英宗立召爲三司判官廣南去京師遠  
不卽至帝見南來者必問之及人見諭曰卿乃吾故人朕望  
於卿者厚勿以常禮自疏也

林光朝字謙之興化軍莆田人再試禮部不第聞吳中陸子正  
嘗從尹焞學因往從之遊自是專心聖賢踐履之學通六經  
貫百氏四方來學者亡慮數百人南渡後以伊洛之學倡東  
南者自光朝始孝宗隆興元年光朝年五十以進士及第進

國子司業兼太子侍讀是時張說再除簽書樞密院事光朝不往賀遂出爲廣東轉運副使值嶺南茶寇方張光朝督將遮擊敗之賊遁帝聞之喜曰林光朝儒生乃知兵耶

冷應澂字公定隆興分寧人寶慶元年進士調廬陵主簿卽以廉能著有愬事臺府者必曰願下廬陵清主簿尤爲楊長孺所識拔景定元年奉使督餉江上還知德慶府前守政不立縱豪吏漁獵洞獠遂大爲變應澂未入境馳檄諭之獠感悟欲自歸惑謀主不果眾稍引去應澂知其勢解卽厲士馬出不意一鼓擒之遣使歸農而誅豪吏之激禍者後累官至廣南經略安撫司

趙希泊宗室子居宜春歷官至戶部尙書以迂丞相賈似道出領廣東轉運使德祐中與從子必向避地贛州文天祥兵敗

以失言與必向俱被囚辭節愈厲家人饋食則碎器覆諸地俱不食死

曹利用字用之趙州晉甯人慷慨有志操歷官至忠州刺史賜第京師祥符中知宜州劉永規馭下殘酷爲眾所殺嶺南騷動帝以利用曉方略授廣南安撫使利用至嶺外遇賊武仙縣賊健標蒙采盾衣甲堅利鋒鏑不能入利用持巨斧長刀破盾遂斬賊嶺南平

魏瓘字用之由校書郎歷官至循隨安州提點廣南西路刑獄劉鋹時計口以稅雖舟居皆不免至是而電化欽廉高州猶未除瓘爲除之尋以罪降知洪州遷太常少卿知廣州築州城環五里疏東北門鑿東西澳爲水閘以時啟閉後儂智高寇廣東西獨廣州城堅守不能下於是論築城功遷工部侍

郎集賢院學士復知廣州兼廣東經略安撫使

楊旼字樂道保靜軍節度使重勛之曾孫進士及第知岳州以平湖南獠人唐和之亂遷太常博士歲餘賊益肆乃授旼東染院使荆湖南路兵馬鈐轄賊聞旼至踰嶺南遁又詔往韶連等州招安之約賊使出峒授田爲民而轉運使欲授以官與貨納質使還旼曰賊勦攻湖廣七年所殺不可勝記今使飽貨糧據峒穴其勢不久必復亂明年春賊果復出陽山旼領眾出嶺外涉夏秋凡十五戰賊潰旼感瘴疾歸蠻平願還舊官久之擢天章閣侍制進龍圖閣直學士

孫沔字元規會稽人登進士第歷官樞密直學士儂智高反以沔爲湖南江西路加廣南東西路安撫使及行才與兵七百萬遣狄青爲安撫使與智高遇戰歸仁舖智高敗走廣南平

廣東考古輯要

卷三十六

名宦

八

沔至京帝問勞解玉帶賜之

田瑜字資忠河南壽安人舉進士提點廣南西路刑獄儂智高反瑜條上用兵禦賊十事智高平召對便殿具言南方山川險要所以備守之策乃以爲廣南東路體量安撫使

張田字公載澶淵人登進士第知應天府司錄歐陽修薦其才悉知湖廬等州有善跡移桂州異時蠻使朝貢假道與方伯抗禮田獨坐堂上使引入拜於庭而犒賄加禮年五十四卒爲人抗直臨政以清作欽賢堂繪古昔清刺史豫師拜之蘇軾嘗讀其書以侔古廉吏

王靖字詹叔太尉旦從孫也早孤自力於學好講切天下利害以祖蔭歷通判聞州知滁州主管北京御史請復明經科加試貢士以策觀其所學稍變聲律之習後徙廣南轉運使熙

甯初廣人訛言交趾且至老幼入保事聞中外以爲憂神宗曰王靖在彼可無念

呂居簡河南人宰相蒙正之子初爲殿中丞歷官至龍圖閣直學士知廣州陶甃甃城人以爲便

程師孟字公闢吳人進士甲科累知南康軍楚州提點夔路刑獄有治行徙知廣州州城爲濃寇所毀師孟在廣六年作西城及交趾陷邕管聞廣守備固不敢東時師孟已召還朝廷念前功以爲給事中集賢殿修撰爲政簡而嚴洪福廣越爲立生祠

郭達字仲通洺州人家世以武功稱范仲淹勉以問學熙甯中李乾德陷邕管詔以達爲廣南招討使兼宣撫使大戰富良江敗其精兵斬僞王子洪正乾德懼奉表歸降

廣東考古輯要

卷三十六 名宦

九

曾開字天游其先贛州人徙河南府少好學善屬文崇甯間登進士第累官至廣東經略安撫使奉詔駐潮陽招捕劇寇訖事乃之鎮居三年盡平羣盜

龔茂良字實之興化軍人紹興中進士第爲安南部邵武司法父母喪哀號擗踊鄰不忍聞調泉州察推以廉勤稱除監察御史遷右正言會內侍李珂沒贈節度諡靖恭茂良諫曰中興名相如趙鼎勲臣如韓世忠皆未有謚今施於珂爲可惜竟寢其諡嘗論龍大淵曾覲姦回疏入不報後爲廣東提刑就知信州卽番山之趾建學又置番禺南海縣學旣成釋奠行鄉飲酒以落之以罪安置英州父子卒於貶所上後察其無罪復資政殿學士諡莊敏

潘時字德鄰婺州金華人以叔良責任爲登仕郎累遷至廣南東

路經略安撫使司廣東地接郴桂汀贛之境四州之民一踰嶺貿易折閱卽相聚爲盜時入境捕得渠卒斬以徇於是皆散有梁氏兄弟者招納亡命殺人而掠其貲以致富交通州縣吏不敢詰民患苦之號爲四彪時擒捕誅殺汗瀦其居他盜望風破膽良民旣少安乃陰募其酋豪使以捕賊自効由是盜發輒得官屬不幸死者厚賻歸老稚無一人流落後終朝議大夫直顯謨閣卒

曾治鳳字君儀晉江人開禧元年進士歷官廣東提刑性簡儉愛惜公帑未嘗妄費不嗜殺戮遇寇必諭降之會戍卒挺亂薄廣城時已解印引咎丐罷奉祠數年卒

陳峴字山甫温州平陽人少篤學工文辭成進士中博學宏詞科歷官有政聲嘉定元年知廣州軍州事充廣南東路經略

安撫使馬步軍都總先是邑民苦預借峴至蠲諸邑宿逋四萬六千緡奏於朝無得預借民獲蘇息廣學宮治城壕設閘門瀦水以備不常閱歲百役並興勞費不憚時獠寇部界謀窺州城以南戶口繁夥舊無捍蔽乃募勇敢軍日加訓練築東西雁翅城以翼之郡號多士貢額纔十三峴爲請於朝增額爲二十五帥廣三年政務寬簡民甚德之嘗以政暇委州文學齊璠監鹽倉季端仁編南海志成一方信史以功封永嘉郡開國子食邑五百戶

徐清叟字直翁浦城人第進士歷官廣東經略安撫使嘗薦用眞德秀魏了翁風度凜然

楊長孺字子伯別號東山潛夫以蔭補守湖州累官至廣東經略安撫使知廣州事每對客曰士大夫清廉便是七分人矣

嶺南羣吏獨有長孺清白著於時有詔獎諭謂其清似隱之故長孺賦詩有詔謂臣清似隱之臣清原不畏人知之句卒年七十九郡人立像與吳隱之合祠

方大琮字德潤福建莆田人帥廣凡六年以儒飾吏以政媿俗鄉飲酒禮久廢命賓佐與領袖士討論之禮樂器服悉還古制歲一行之丁祭儀文未稱悉考古訂禮改作又建書堂之飛閣翼以四齋規模十倍於昔

唐璘字伯玉古田人舉進士時臺臣李安行奏次對官不許論邊事璘對策極詆之曰吾始進可壞於天子之庭乎累官至廣東經略安撫使擢太常少卿立臺僅百日世謂再見唐介切劘上躬盡言無隱帝益嚴憚居官大節則母教之助爲多劉應龍字漢臣端州高安人嘉熙二年進士歷官至廣東經略

安撫使時南海寇作聞應龍至遁去德祐元年遷工部尚書江西兵鈐轄青海軍節度使力辭隱九峯子元高亦舉進士胡穎字叔獻潭州湘潭人紹定中登進士歷官浙西提點刑獄移湖南兼提舉常平性不喜邪佞尤惡言神衡州有靈祠徹之作來諗堂以奉母居嘗語道州教授楊允恭曰吾夜必瞑坐此室察影響咸無有允恭對曰以爲無則無矣從而察之則是又疑其有也穎甚喜其言以樞密院承旨爲廣東安撫使先是潮州僧寺有大蛇前後仕潮者皆信奉之會旱人咎守不敬蛇守不得已詣焉驚卒穎至廣州聞其事令僧以檻載蛇至大如柱而色黑令之曰爾爲神當三日見變怪否則爾無神矣及期蠢然猶眾蛇耳遂殺之毀其寺並罪僧

謝子强字强學永嘉人登進士寶祐四年帥廣州律已以嚴牧

民以惠束吏以法廣人敬頌德政余復亨爲之記立像與吳隱之楊長孺並祀

趙與珞爲瓊管安撫使帝昺祥興元年元將略地海外率義勇禦白沙口極力死戰舟師不得登岸元將患之後因購內應執與珞不屈遂遇害珞素有膽略海外諸蠻小國皆倚重之既死悉附於元

劉几字伯壽洛陽人儂寇犯嶺南以几爲廣東西提殺使大戰於歸仁舖破之

周渭字德臣昭州恭城人建隆初進士爲廣南諸州轉運副使奏去劉鋹時稅算之繁者定田賦興學校

歐陽載字則之廬陵人修仲父也進士乙科真宗嘗自擇御史載以秘書丞召見見者數人皆自薦載獨立墀下無所說明

日拜監察御史中丞王嗣宗指曰是獨立墀下者眞御史也後爲廣南東路轉運副使秩滿以敝舟還無一海上物

蕭世京字昌孺龍泉人嘉祐中進士爲廣東轉運副使有清譽蔡京爲相奏舉十事京銜之罷

孫載字積中崑山人登進士爲廣東轉運判官案無滯牘人頌其廉能暇卽遊羅浮訪古賦詩好汲引士類受薦者至四百餘人多知名喜讀書著釋解五十卷後致仕疾革問曰早晏盥手焚香而逝

黃洧字清臣甌甯人以父蔭除知南雄州乾道四年改廣南東路提舉市舶帥守更爲轉運判官廣學租禮名士益勸諸生以學劾吏之不循度以病民者於是一路肅然官吏始知有法守矣按行所部雖烟瘴荒遠無所憚訪問疾苦伸理冤抑

不可勝計江浙歲飢有旨發二廣義倉米航海詣永嘉往時常有此役吏緣以擾民而米不時達洧處之有方不越月而至永嘉者八萬斛永嘉人焚香迎拜步下曰此廣東運使活我也卒朱熹爲銘其墓

劉克莊字潛夫興化莆田人通古今熟典故最爲真德秀所知理宗朝嘗爲廣東提刑仰慕崔清獻公與之歎曰公之完名高節百世師也官至工部尙書龍圖閣學士致仕卒謚文定敖陶孫字器之福清人少儻有大志爲文章援筆立就弱冠鄉薦遂補入太學韓侂胄逐朱熹陶孫首以詩送之趙汝愚謫死陶孫哀之以文揭詩於通衢云九原若遇韓忠獻休說渠家末世孫後登進士爲廣東運判詳讞明允

洪天錫字君疇泉州晉江人寶慶二年進士歷官至監察御史

累疏言天下之患謂朝廷輕給舍臺諫輕百司庶府而北司獨重倉卒之際臣實懼焉言雖不果行然終宋世而閹人不能竊弄主威者天錫力也後遷廣東轉運判官決疑獄劾貪吏治財賦皆有法

賈黃中字媧民滄州南安人父玘字仲寶天福中進士嚴毅善教子士大夫妻弟來謁必諄諄誨誘之黃中幼聰悟方五歲玘每旦令正立展書悉比之謂之等身書課其誦讀六歲舉童子科十歲能屬文觸類賦詠父常令蔬食曰俟業成乃得肉食十五舉進士授校書郎集賢校理建隆中判太常理院黃中多識典故每詳定禮文損益得中號爲稱職嶺南平以黃中爲採訪使廉直平恕遠人便之

李崇矩字守則潞州上黨人太平興國中由邕貢等州巡檢使

移瓊崖儋萬四州都巡檢使軍士憚於行崇矩盡散器皿金帛凡直數百萬悉分給之眾乃感慨黎賊擾動崇矩抵其洞穴撫慰以己財遺其苗長在嶺海四五年眾皆懷附秦羲字致堯江甯人世在江左知書好爲詩喜賓客饒有士風太祖召見悅其趨對詳謹補殿直令督廣泮漕船大中祥符初廣州海兵桀驚軍中不能制上以羲有材幹授供備庫使充廣州鈐轄積勤練習號爲稱職

陳堯叟字唐夫解褐光祿寺丞累遷至廣南西路轉運使嶺南風俗病者禱神不服藥堯叟有集驗方刻石桂州驛又以地氣蒸暑爲植樹鑿井每三二十里置亭舍具飲器人免渴死會諸路課民種桑棗堯叟上言曰臣所部諸州地少蠶桑民除耕田外地利之博者惟麻苧爾麻苧所種與桑柘不殊周

歲之間三收其苧始離田疇即可紡績臣以國家軍需所急布帛爲先因勸諭部民相率樹藝今杼柚之功日以滋廣布帛之供所得益多望自今許以所種麻苧頃畝折桑棗之數詔從之後以平蠻功拜樞密學士

李允則字垂範濟州團練使謙溥子也以蔭補衙內指揮使眞宗時進高州團練使有材略不事威儀身無兼衣食無重饒洞知人情盜發輒獲人莫知其所由訟至無大小面訊立斷善撫士卒皆得其用

蔣偕字齊賢華州鄭縣人幼貧有立志父病嘗刲股以療父愈詰之曰此豈孝耶曰情之所感實不自知也舉進士補韶州司理參軍儂智高反爲廣南東西路鈐轄後爲賊所害

蕭注字巖夫臨江新喻人磊落有大志尤喜言兵舉進士攝廣

州番禺令儂智高圍州數日攻城南勢甚急注自圍中出募海濱壯士得二千人乘大舶集上流因颶風起縱火焚舟破其眾城中人始有生意蔣偕上其功擢禮賓副使廣南駐泊都監

邴亶字正夫太倉農家子自幼讀書中嘉祐中進士熙甯三年詔天下陳理財省費興利除害之策亶自廣南安撫司爲書陳蘇州水利王安石善之五年授司農寺丞提舉興修西浙水利民不爲便遂罷歸治所居之西水田日大泗灤者如所陳之說歲入甚厚圖狀以獻且明前法非苟然者復爲司農寺簿出知温州

蘇緘字宣甫泉州晉江人舉進士調廣州南海主簿州領蕃舶每商至則擇官閱實其貨商皆豪家大姓習以客禮見主者

緘以選往商樊氏輒升階就席緘詰而杖之樊訢於州州召責緘緘曰主簿雖卑邑官也商雖富部民也邑官杖部民有何不可州不能詰後知英州儂賊圍廣緘曰廣吾都府也今城危在旦夕不可不往救卽募士數千人分兵先扼其歸路布槎木亘四十里賊勢沮將解去至不得前乃遶出數舍渡江而西緘與戰摧傷甚眾時諸將皆罷獨緘有功仁宗喜遣中使賜之朝衣金帶

趙士嶠字仰夫太宗五世孫以蔭補官建炎初隆祐太后幸洪州敵奄至百司散走士嶠至一大船中見二帝御容負以走遇潰兵欲聚爲盜士嶠諭之眾聽命乃走謁太后虔州會虔民作亂鄉兵在外爲應士嶠詣執政謂當請太后急肆赦赦旣下城中遂定

毛炳廣西富川人倜儻不羈好讀書乾道中以平寇功陞廉州都巡檢使寇犯境死於難

陳鞞字子華福州侯官人從葉適學登開禧元年進士知隆興府時贛寇陳三槍據松梓山砦出沒江西廣東屠殘殆甚鞞多所陳奏詔節制江西廣東福建三路捕寇軍馬所至克捷又分兵守大石堡截賊糧道遂破松梓山三槍就擒斬之賊平帝以鞞忠勤體國計慮精審詔爲工部侍郎

趙汝暨宋宗室也兩帥廣前後凡五年公勤清平終始如一獄吏舊以鞫賊爲奇貨一盜坐囚百家股慄一切禁絕民受其賜州貢院舊苦湫隘廣斥之出入場屋者咸以爲便

袁杭字立之洪州南昌人累官至提點廣南東路刑獄破浙中叛卒鄂鄰於海南平之遷光祿少卿喜藏書至萬卷江西士

大夫家鮮及也

盧革字仲辛德清人少舉童子科知杭州馬亮見其詩嗟異之秋貢士密戒主司弗遺革聞語人曰以私得薦吾恥之去弗就後二年遂首選登第年方十六慶曆中知龔州後提點廣東刑獄以廉明著聲神宗稱之

周敦頤字茂叔道州營道人以舅龍圖閣學士鄭尚任爲分甯主簿歷合州判官熙甯中呂公著等薦爲廣東轉運判官提點刑獄以洗冤澤物爲己任行部不憚勞苦雖瘴癘險遠亦緩視徐按以疾求知南康軍因家廬山蓮花峯下前有溪合於湓江取營道所居濂溪以名之年五十七卒

林積字公濟龍溪人慶曆中循州判官嘗覆盜獄多平反忤部使者意初使者欲薦積因是已之積笑曰失一薦章而活五

十八人吾何憾焉神宗嘉其廉能除江西運判徙廣東提刑皆有政績

陳中復字從道莆田人熙甯中進士轉廣南東路提點刑獄會劉三花嘯聚潮梅循惠皆騷動徽宗手劄委中復規畫不踰月賊平

郭孝友字次仲浙之龍泉人政和進士歷提點廣南東西路刑獄捐騶從躬按厯貪懦守令劾奏不宥累官工部侍郎秦檜與金約和廷議多不合檜以孝友同舍生冀其附己孝友曰議和非至計願密思之檜不懌曰孝友亦爾耶

楊萬里字廷秀吉州吉水人中紹興中進士爲永州零陵丞時張浚謫永州杜門謝客萬里三往始見之浚勉以正心誠意之學萬里服其教乃名讀書之室曰誠齋後浚入相薦之朝

累官至廣東提舉常平茶鹽盜沈師犯南粵討平之孝宗稱之曰仁者之勇就除提點刑獄請於潮惠二州築二砦潮以鎮賊之巢惠以扼賊之路俄以憂去

廖德明字子晦南劍人少學釋氏及得龜山楊時書讀之大悟遂受業朱熹登乾道中進士初爲潯州教授爲學者講明聖賢心學之要手植三柏於學潯士愛敬之如甘棠後知潯州選廣東提點刑獄彈劾不避權要歲當薦士朝貴多以書託之德明日此國家公器也悉不啟封還之時盜陷桂陽迫韶韶人懼德明宴笑自如遣將馳擊敗之乃分戍守遠斥堠韶晏然如平時徙知廣州立師悟堂刻朱熹家禮公餘延僚屬及諸生親爲講說嘗語人仕學之要曰德明自始仕以至爲郡惟用三代直道而行一句

楊大異字同伯從胡宏受春秋大義登嘉定中進士遷大理寺丞平反冤獄者七召對極言時政得失忤宰相意出知禮州進直秘閣提點廣東刑獄兼庾事訪張九齡曲江故宅建相江書院以祀九齡所至姦吏屏息寇盜絕跡凡可爲民興利除害者必奏行之廣海幅員數千里道不拾遺報政爲最何坦廣昌人少貧好學成進士提刑廣東杜絕請託洗冤澤民以廉平爲嶺南首稱

吳與字可權漳浦人知四會縣有循良風嘗論事憲臺燕若蒙厲聲曰乃欲效漢唐令耶答曰固願學之恨不至耳後爲廣東提刑

鄒非熊字宗望宜黃人登進士授樂昌尉修復石渠以溉民田民有去思辟曲江令平反獄事活死囚十二人甚服之官至

廣東考古輯要

卷三十六 名宦

十八

廣東提刑

余炎字伯華永豐人登進士第授廣東提刑持己廉潔當時立廉碑炎居其一

陳光祖字世德除廣東提刑作欽恤編以戒僚屬新濂溪祠以崇道學官至朝奉郎

芮華字國器烏城人登進士嘗和沈長清詩云甯令漢社稷變作莽乾坤秦檜惡之竄化州檜死召爲廣東提刑以文章飾吏事雍容儒雅人推重之

孫馨字叔靜錢塘人年十五遊太學蘇洵滕甫稱之提舉廣東常平篤於行義蘇軾謫居惠州極意與周旋二子娶晁補之黃庭堅女黨事起家人懼馨一無所顧時人稱之

李綸字世美泉州人以蔭歷仕有清操提舉廣東常平適伯兄

維出守恩平酌於江濱弟兄相勵以清白傳家綸慷慨言曰  
倘負斯言有如此水投杯於江時江流洶洶杯亭不沒者久  
之觀者駭歎民歌之曰石門之水清且清良吏一畝千古榮  
爭如李公投杯盟江流洶洶杯亭至今刻石與吳隱之酌  
貪泉詩對峙

劉燾字晦伯建陽人與弟韜仲受學於朱熹呂祖謙乾道中舉  
進士僞學禁興燾從熹武夷山講道讀書怡然自適築雲莊  
山房爲終老隱居之計後提舉廣東常平奏義倉之敝客丁  
錢之敝小官奉給之敝舉留守令之敝帝嘉獎之

趙逢龍字應甫慶元之鄞人刻苦自修爲學淹純登嘉定中進  
士提舉廣東湖南福建常平日具蔬飯坐公署事至卽面問  
決遣居官自常奉外一無所取爲政寬恕尤究心荒政以羨

廣東考古輯要

卷三十六

名宦

十九

餘爲平糴本所在民不忍欺

任中師字祖聖進士及第以太常少卿知廣州明日吏白當謁  
諸祠廟而廨有淫祠中師遽命撤之兼市舶使市舶置使自  
此始

李鞞字彥淵杭州富春人進士提舉廣東市舶珍貨一無所取  
比召還盜邀之隨行書帙而已盜避去

陳穎字奇之泉州人以父蔭入官知海陽縣治以寬慈人號陳  
佛子

章元振嘉興人廣東提學與秦檜同登第未嘗以私干檜人服  
其不阿

韓謹字去華晉江人進士調南海尉除教授著詩禮義解上之  
辟廳長貳稱獎改廣南東路提舉學士自巡尉未再期擁使

持節一方歆羨

李惟清字直臣下邑人知廣州謹敕不苛珍貨一無所取太宗知其廉平嘉獎之

許仲宣字希粲青州人漢進士宋初赴調引對便殿氣貌雄偉太祖悅之太宗時爲廣南轉運使性寬恕有心計處變晏然人服其量

張鑑字德明以蔭補供奉官木將家幼能嗜學入衛州霖落山肄業十餘年擢進士第知廣州民條其政績上請刻石三年移朗州溪洞羣蠻數寇擾鑑諭以威信皆俯伏聽命

楊覃字申錫漢太尉震之後太平興國人舉進士擢第知廣州勤於吏事所至以幹濟稱南海有番舶之利前後牧守或致謗議惟覃以廉著遠人便之

陳從易字簡夫泉州晉江人進士及第知虔州會歲大饑有持杖盜取民穀者請一切減死生者凡千餘人擢太常少卿知廣州坐嘗課校太清樓書字非僞誤而從易妄判竄之降直史館尋復職在廣三年以清德聞

狄棐字輔之潭州長沙人少隨父官徐州以文謁路振振器愛之妻以女舉進士甲科知壁州道長安爲寇準所厚累遷太常少卿知廣州代還不以南海物自隨人稱其廉卒家無餘貲子遵度舉進士

劉湜字子正徐州彭城人舉進士審閬州獄活死囚七人知廣州儂賊初平湜練士兵葺械器作鐵鎖斷江路民安之居二年母老求內徙遂徙徐州湜喜日昔布衣隨計今以侍從官三品復典鄉郡過始望矣

李兌字子西許州臨潁人登進士第知廣州爲政簡嚴人頌之自劉氏納土之後獨兌尤著清節還知河陽

盧士宏字子高新鄭人以父任屢更州縣所至著清名文彥博包拯以廉能薦之遂知廣州或傳安南舟數百泊海中將爲寇嶺徼驚 士宏灼其非日從賓客遊宴民賴以安

張頡字仲舉其先金陵人徙鼎州桃源第進士累官至廣東轉運使知桂州海南黎人爲中國患頡使一介往呼之出補以牙校喜而去詔問何賞之薄對曰荒徼蠻蜚無他覬得是足矣尋罷兵海外訖無事

蔣之奇字穎叔宜興人以伯父蔭得官擢進士第知廣州以擒妖人岑深加寶文閣侍制南海饒寶貨爲吏者多貪聲之奇取前代牧守有清節者吳隱之宋璟盧奐李勉等十人繪其

象建十賢堂祀之冀變其習

章粦字質夫建州浦城人以叔得象廕應舉試禮部第一官權戶部侍郎知廣州時廣人冒犯鯨波浩殖貨利不知有義以制其欲至於兄弟骨肉急難不顧男女嫁娶至無媒妁粦以習俗積久卒未能化日夜思以導之乃以教化所始莫先於學人倫之序莫先於教於是以城西之學與尼寺相比乃謀遷於城東番山之前日與學士諸生講論六經士人翕然稱之

唐義問字士宣江陵人質肅公介之子也善文祠居官風力強敏以集賢殿修撰知廣州爲章惇所忌尋貶

留恭字伯禮晉江人丞相正之子嘉泰中通判廣州所至絕餽遺杜請謁捐租省役時稱循吏後知廣州猺亂捕降其豪渠

四十四洞悉平卒弟筠獻備邊五策自江西提刑移知廣州周種字仁熟泰州人熙甯中擢第知廣州番舶抵郡犀象香珠之屬悉選以充獻曰呈樣種一無所受終任不至舶務其歸也部人賦詩送行有三年清似鏡之句靖康中卒子方崇擢禮部侍郎

連南夫湖北德安人高宗時累官廣東轉運使新興饑發粟賑濟全活萬計後知廣州擊破大盜七十餘屯民賴以安

陳橐字德應餘姚人登政和上舍第知廣州時兵興後廣東盜賊無安歲橐盡革弊政以恩先之留鎮三年民夷悅服

王宗已字子游長溪人紹興間進士爲增城令治居廣東二十九縣之最上特書其名於御屏秩滿調常熟尋知廣州時待闕者十餘人孝宗指其名示宰執曰是嘗宰常熟者宜授之

廣東考古輯要

卷三十六 名宦

二十二

官

陳樸字端行永春州人乾道中進士除知廣州革弊例帑羨受代儲錢數十萬上於朝

王益字舜良臨川人安石父也大中祥符間進士及第知韶州獄訟最多號爲難治益治之有餘後終員外郎

常九思河內人仁宗時知韶州心樂易而政精勤後欒温及王之才皆知韶州三人並以能理名

陳宗愚不知何許人天聖中知韶州愛民勤政嘗修造東西兩浮橋復造水車引水入城以防火災民蒙其利

劉元剛字南夫吉水人嘉定進士官至韶州守理宗嘗立廉貪二碑元剛居廉碑第四

周彥先字師古泰州人以廕監廣州清遠縣鹽場爲轉運使所

留以監市舶他吏方習爲奸昧事而彥先獨不買舶中一物後知循州卒於官吏民思之

湯夢觀萍鄉人舉進士知循州時蠻寇劫掠旁郡不敢入其境自相戒曰切莫犯此老子朝廷聞而嘉之

傅大聲字仲廣仙遊人中進士通判循州適寇起大聲調軍奮擊賊遁去乃上禦賊數策漕使劉強學躋之頒行於廣東遂劾守不職以大聲攝州事尋奏爲眞闔城歡呼曰傅父爾留吾屬有依矣郡圃有老松數株日出紫氣如雲騰空而上及大聲拜守人以爲德政所感守上日有例冊錢千緡卻之在循四年民樂其政相率立祠

梁克俊字叔明泉州人嘉泰初知循州積公帑數千以修城葺學循人以其有功於民祠於縣後同郡趙善諱字安之繼知

循州勤恤民隱邦人德之爲立生祠

韓京河南人紹興初爲廣東鈐轄破大盜七十餘屯威鎮嶺南後知循州時兵燹之後京一意安輯掃瓦礫立城郭給種與牛流民載耒來歸守循十年大有功於民罷去循人繪像祀於學

留正字仲至泉州永春人紹興中進士授南恩州陽江尉宰相虞允文奇之薦於上極言國家得失孝宗嘉歎書劄中要語下三省施行後知循州累官至丞相致仕

鄭輪字景行德化人嘉泰中進士尉保昌 強盜不肯論賞曰人命可易官乎後知循州卒

宋翊字叔晦煜之孫以蔭補官通判廣州廣帥崔與之辟知循州募兵益戍以防寇盜急撫字緩催科循民德之

朱挺字烈仲福州人端平中知循州行鄉飲而習民以禮舉科試而勉士以學適外寇過循挺指揮兵卒俘之殆盡

彭彥班字國器閩人端平中知循州爲政平恕去之曰士民相與留像州學祠焉

王舉元字懿臣眞定人賜進士出身知潮州江水敗堤盜乘間竊發舉元夜召里豪計事盜旣獲乃治堤闔境晏然潮民德之

彭思永字季長廬陵人天聖中進士爲人端莊恭敬動必以禮知南海縣盡心民事後知潮州州民歲苦修堤之役思永爲之立法役均而費省民大悅英宗嗣位徙知江甯府潮與江甯舊多火災迄思永去未嘗作人以爲德政之感熙甯中遷戶部侍郎致仕

吳達志字信遇惠安人政和五年進士知惠州大興學校延師造士執經者至數百人後知潮州卒於官

黃定字泰之永福人乾道中進士第一累官知潮州爲政務剗惡蘇瘵潮民德之後祀潮州賢守祠

丁允元字叔中常州人以忠諫謫守於潮增置韓江西岸石洲四架以梁而屋其上民懷之名曰丁公橋後祀名宦

陳宏規字獻可漳州人慶元中知潮州增置韓江東岸石洲二架結如丁公橋名曰濟川後祀名宦

林嶠福州人慶元中知潮州愛民如子州有白丁錢逃亡者素累甲頭民苦之嶠奏免復置田以益學廩構濟川橋以便往來惠政甚多祀名宦

孫叔謹字信之漳州龍溪人寶慶中知潮州訟牒累至數百悉

五鼓坐廳事剖決如流公勤自勵創橋築堤復撥田於學以養士潮人感其惠而尸祝於韓山昌黎廟今祀名宦

鄭良臣福州人知潮州舊有白丁錢催科者據籍取辦雖遷徙物故不爲除良臣易籍更編民賴以安又增置田稅於學及韓山書院以爲養士費蓋有功於士民者今祀名宦

陳圭字表夫興化人知潮州新原道堂扁其前楹日書莊置晦菴所著書籍實之立書院田爲養士費蓋有功於名教者祀名宦

洪天驥字逸仲少有異質貫通經史百家登進士較藝南官得文天祥卷置之上第人服其明後知香山縣至之日以教養人材爲首務邑以大治經略使洪勳等以邑最上除大理寺丞終知潮州與兄文毅公天錫文學齊名時謂二洪卒文天

廣東考古輯要

卷三十六 名宦

二十五

祥狀其行實

陳奕福州人世所稱古靈先生陳襄之曾孫也持節嶺南首復韶郡東橋民不病涉又創安仁宅以居官族之流落無依者治績居最

劉安雅紹興中知梅州虔賊陳榮等圍城安雅命取鉤吻草研汁浸酒散於民賊入民居縱飲死者百數賊疑懼遁

柯宋英字子飛泉州人紹興中進士知梅州古有隱君子程叟以德行聞州人思之與韓文公並祠於學宮宋英闢郡齋名曰景程任滿代還杜門謝客稀識其面者

顏橐字養正晉江人以太學生登開禧元年第歷南海令有惠政以考最知梅州贛寇陳三槍萬眾逼梅城四十二日橐激厲將士分隅拒守賊遁帥表上其功會病卒

蒲壽晟知梅州性儉約於民一毫無取每思曾井遺澤建石亭於上進士楊圭題其亭有日曾氏井泉千古冽蒲侯心地一般清

張士遜字順之祖裕嘗主陰城鹽院因家陰城士遜生百日始啼及長舉進士翰林學士楊億薦爲監察御史貢舉初用糊名法士遜爲諸科巡捕官以進士有姻黨請避去眞宗記名於御屏自是親嫌者皆移試著爲令徙廣東至南雄奏除苛政蠲戶役十餘事後拜太傅封鄧國公卒謚文懿

章得象字希賢世居泉州高祖仔鈞仕閩遂家浦城得象母方娠夢登山遇神人授以玉象及生父免復夢家庭積笏如山及長莊重好學進士及第累官至南雄州徙洪州楊億以爲公輔器薦之或問之億曰閩士輕狹而章公深厚有容此其

貴也後入相封郇國公謚文簡初閩人謠曰南臺江合出宰相至得象相時沙湧可涉云

潘邁字際可茶陵人紹聖間知南雄州作興學校大有政聲州學諸生祀之學宮

連希覺字民先不知何許人紹聖二年知英州崇甯中復知南雄州伐石築陂引水溉田人感其惠號曰連陂至今賴之范處厚紹興人崇甯中知南雄州大觀初詔製孝弟睦婣任卹忠和八行之選每路以三人爲率詔下二年嶺南十五郡無應選者處厚悉心搜訪得譚煥歐陽珪許牧三人以其行聞爲一路殊選

黃庶分甯人嘉定中知南雄州訪民疾苦修復凌連二陂郡人利之

黃晟紹興間知南雄州敦尚教化初久旱晟至禱而有感雨三日歲大熟民苦賦役之重奏蠲之邦人爲立生祠

廖君玉字國華荊州人素好學知英州建書堂於桂山名曰紫桂堂偃仰其間時作吟詠而政事未嘗廢也遂於理學人多效之

岳飛字鵬舉相州湯陰人宣和四年真定宣撫劉韜募敢戰士飛應募遷秉義郎隸留守宗澤戰開德曹州皆有功澤大奇之康王卽位飛上書數千言以越職奪官歸詣河北招討使張所所待以國士尋補英州刺史破賊曹成衆十餘萬成奔連州飛進兵追之成走時虔吉盜連兵寇掠循梅廣惠諸郡帝專命飛平之飛至虔州固石洞賊彭友悉衆至飛麾兵擒之於馬上遂捕諸郡餘賊皆破嶺表平入見帝手書精忠岳

飛字製旗賜之

曹觀字仲賔修古子也知封州時儂賊攻陷邕管行至封州人未嘗知兵士卒纔百人不任戰又無城隍可守或勸遁去觀正色曰吾守臣也有死而已後被執賊戒弗殺粹使拜觀不肯且詈曰人臣惟北面拜天子我豈從爾苟生耶賊知無降意害之妻劉避賊死於林峒事聞錄其子四人並追封焉楊允恭漢川綿竹人以直殿掌廣東市舶自漢之後海賊子孫相襲大者及數百人賊有葉氏者衆五百餘往來海上允恭集水軍造輕舸掩襲其酋斬之餘黨棄船走伏匿山谷允恭伐木開道悉殲焉

趙師旦字潛叔稹之從子少涉書史尤刻意刑名之學用稹廢累遷甯海軍節度推官知江州斷治出已吏不能得一錢棄

物道上人無敢取移知康州儂智高破邕州順流東下師旦止有兵三百開門迎戰矢盡與監押馬貴俱遇害

黃公度字師憲莆田人紹興中進士第一通判肇慶府攝南恩守治事之餘以讀書著文爲樂嘗題詩隆蔭堂句云簿書休吏早花塢向人閑又增學廩擇秀民與之登降揖遜學者用勸邦人像而祠之

傅雱知南恩州文章政事迥出眾表民稱其賢特立五馬坊以榮之

陳豐字宜中興化人知南恩州政尚廉靜民歌曰君不見恩平陳守賢優游治郡如烹鮮遇旱禱雨自撰責祠云願俾微臣特減數年之壽令茲闔境普沾三日之霖

徐應龍字允叔建甯人第進士嘉定間知雷州又知南恩州爲

政寬和愛民如子民歌曰生我父母在何許養我父母徐州主累官至刑部尚書

包拯字希仁廬州合肥人舉進士知建昌縣以父母老不就歸養數年親繼亡調知天長縣徙知端州端土產硯前守緣貢悉取數十倍以遺權貴拯命製者才足貢數歲滿不持一硯歸尋拜監察御史立朝剛毅貴戚宦官爲之斂手人以包拯笑比黃河清童稚婦女亦知其名呼曰包待制京師爲之語曰關節不到有閻羅包老

郭祥正字功夫太平州當塗人母夢李白而生少有詩聲梅堯臣方擅名一時見而歎曰天才如此真太白後身也舉進士出知端州留心政術民樂其詩書之化尋棄去隱於縣青山陳堯佐字希元其先河朔人高祖翔爲蜀令因家焉遂爲閬州

中人知開封府司錄參軍言事忤旨降通判潮州潮民張氏子與其母濯於江爲鰐魚所食母弗能救堯佐聞而傷之命吏操網往捕鰐至暴非網可得至是鰐弭耳受網作文示諸市烹之人皆驚異

詹範字器之崇安人紹聖中知惠州蘇軾謫居範載酒縱遊相與唱和時兵荒之後野多暴骨範取而掩之故軾詩曰江干白骨已銜恩又嘗稱其治行類龔渤海

何庚春陵人知雷州東洋田舊無陂塘畝澮以資灌溉庚相地鑿渠引水灌田民利之稱爲何公渠後戴之邵知雷州復築堤捍海人稱爲戴公隄

危祐字夢弼南城人天禧中進士知邵州使者按治欲有所求不從遂請歸百姓遮道留之尋遷太學博士以言詆宰相謫

廣東考古輯要

卷三十六

名宦

二十九

廉州吏進聚珠扇歎曰爲廉州守而執此扇獨不愧州名乎  
邵之

李時亮廣西博白人舉進士累官知廉州有治聲嘗獻平南十策神宗嘉之善屬文尤長於詩與陶弼賡和號李陶集

齊唐字祖之會稽山陰人登天聖中進士第爲南雄州簽判交趾進麒麟唐據史傳非之斥蠻人給中國眾服其博物

徐九思字公謹崇安人登進士以忤時相通判廣州神宗稱其老成練事著有新豐集行世

沈造字次仲縉雲人政和中進士判潮時有韓山神歲須男女以祭造至卽焚其廟毀像得巨蛇殺之凶祀遂絕議者以方昌黎之驅鱷云

張夔字致堯海陽人通判廉州秋毫無犯山寇竊發諭使歸農

高宗書其名於屏曰南有張夔北有周昕

趙希呂通判雷州築隄浚湮大興水利紹何戴之績

蘇邁字伯達眉州人文忠公軾之長子知仁化縣文章 事綽有父風以政最遷雄州防禦推官祀名宦

何大正大庾人博通諸經元祐間入國學老師宿儒莫不推遜時稱上庠三傑大正其一也官至南雄州司理參軍治獄察情根於所學

鄭格字迪民福清人少穎悟博聞強記時號書廚中進士官廣東觀察推官有清介之操所親規之曰子冰蘖凜然不知何以爲出嶺計格曰既能入嶺豈不能出嶺卒家無餘財

林勳賀州人進士爲廣州教授獻本政書十三篇其說甚備後累官至顯謨閣直學士

廣東考古輯要

卷三十六 名宦

三十

凌皓知保昌縣爲民興利伐石堰水灌州田五千餘頃民德之凌江之名以皓始

嚴顥字威卿吉水人舉進士爲河源今持身以廉去官邑人餞以海錯家人發缶得金亟停舟召餽者還之

周謂字希聖尤溪人登進士知新會縣王安石行新法郡縣風靡謂不奉行民得免於青苗徵求之患一時稱爲周夫子

吳懿德字夏卿處州慶元人舉進士知新會縣事無鉅細必親決時新令至蠶戶有給由錢受訖牒有醋息錢一切罷去以廉介辟通判廣州未拜卒卒之前一夕書於冊曰平生薄宦甘受凍饑一介不取一毫不欺西山真德秀誌其墓甚稱重之

李若水閩縣人知龍川縣以儒飾吏寬猛得中修泮宮築城池

一毫不以擾民民繪像祀於城東樓  
米芾字元章淮南人工書善詩趣向高潔爲浚洸尉二年職事  
修舉教化興行